



Broj: 02-04-2731/26

Datum: 01.09.2026. godine

Na osnovu člana 70. Zakona o javnim nabavkama („Službeni glasnik BiH“, br. 39/14, 59/22 i 50/24), člana 18. Pravilnika o javnim nabavkama u Općini Trnovo (broj: 02-04-74/23 od 11.01.2023. godine i 02-04-74-1/23 od 15.01.2024. godine), a na prijedlog Komisije za provođenje postupka javne nabavke broj: 02-04-2731/26 od 31.08.2026. godine, u postupku javne nabavke robe „Nabavka peleta“, Općinski načelnik, po ovlaštenju Općinskog vijeća, donosi:

ODLUKU

o izboru najpovoljnijeg ponuđača za nabavku roba

Član 1.

Prihvata se prijedlog Komisije za provođenje postupka javne nabavke, broj: 02-04-2731/26 od 31.08.2026. godine, te se ugovor za javnu nabavku „Nabavka peleta“ dodjeljuje ponuđaču: *Bioconcept d.o.o. Industrijska zona bb, Poljavnice, 79220 Novi Grad, ponuda broj: 148/26 od 25.08.2026. godine*, za ponuđenu cijenu u iznosu od 12.820,00 KM bez PDV-a, kao najpovoljnijem ponuđaču.

Član 2.

Prijedlog ugovora o javnoj nabavci dostavit će se na potpis izabranom ponuđaču, na adresu: Industrijska zona bb, Poljavnice, 79220 Novi Grad.

Izabrani ponuđač je dužan da u roku od 7 (sedam) dana od dana prijema ove odluke dostavi dokaze o ispunjavanju uslova kvalificiranosti, ne starije od 3 (tri) mjeseca računajući od dana predaje ponude.

U slučaju da izabrani ponuđač ne dostavi tražene dokaze u ostavljenom roku, ugovorni organ će postupiti u skladu sa članom 72. stav (3) tačka a) Zakona o javnim nabavkama.

Član 3.

Za izvršenje ove odluke zadužuje se i ovlašćuje nadležna služba Općine.

Član 4.

Ova odluka objavit će se na web-stranici Općine Trnovo (www.trnovo.ba), istovremeno sa upućivanjem ponuđačima koji su učestvovali u postupku javne nabavke, u skladu sa članom 70. stav (6) Zakona o javnim nabavkama.

Član 5.

Ova odluka stupa na snagu danom donošenja.

Obrazloženje

Nakon prethodno izvršenog ispitivanja tržišta, postupak javne nabavke robe „Nabavka peleta“ pokrenut je Odlukom o pokretanju postupka javne nabavke broj: 02-04-2731/26 od 17.08.2026. godine.

Postupak javne nabavke proveden je putem konkurentskog zahtjeva za dostavu ponuda, u skladu sa Zakonom o javnim nabavkama. Procijenjena vrijednost javne nabavke, bez uračunatog PDV-a, iznosila je 12.820,00 KM.

Tenderska dokumentacija i Obavještenje o nabavci broj: 886-7-1-53-3-43/26 objavljeni su na Portalu javnih nabavki dana 18.08.2026. godine, dok je sažetak Obavještenja objavljen u „Službenom glasniku BiH“, čime je osigurana potpuna transparentnost postupka i konkurencija među ponuđačima.

Rok za dostavljanje ponuda bio je 28.08.2026. godine do 09:00 sati, dok je javno otvaranje ponuda održano istog dana u 10:00 sati. Zapisnik o zaprimanju ponuda i Zapisnik sa otvaranja ponuda dostavljeni su ponuđačima, neposredno nakon javnog otvaranja ponuda.

Komisija za provođenje postupka javne nabavke je, nakon provedenog postupka otvaranja, pregleda i ocjene ponuda, dostavila ugovornom organu Izvještaj o radu broj: 02-04-2731/26 od

31.08.2026. godine, dana 01.09.2026. godine, sa preporukom za donošenje odluke o izboru najpovoljnijeg ponuđača.

Uvidom u dostavljeni izvještaj i prateću dokumentaciju, utvrđeno je da je Komisija blagovremeno i pravilno izvršila otvaranje ponuda, te pregled i ocjenu prispjelih ponuda, o čemu su sačinjeni odgovarajući zapisnici, u skladu sa važećim propisima. U postupku je utvrđeno sljedeće:

- ukupan broj pristiglih ponuda: 1 (jedna),
- broj blagovremeno zaprimljenih ponuda: 1 (jedna),
- broj neblagovremeno zaprimljenih ponuda: 0 (nula),
- zaprimljena ponuda ponuđača Bioconcept d.o.o. ocijenjena je kao formalno-pravno ispravna i prihvatljiva.

Komisija je izvršila detaljnu analizu i ocjenu kvalificiranosti ponuđača, kao i ocjenu ponuda u skladu sa uslovima i kriterijima propisanim tenderskom dokumentacijom. Ocjena ponuda izvršena je na osnovu kriterija najniže cijene, kao jedinog kriterija za dodjelu ugovora.

S obzirom da je dostavljena samo jedna prihvatljiva ponuda, shodno Pravilniku o uslovima i načinu korištenja e-aukcije ("Službeni glasnik BiH" broj 80/23), e-aukcija se nije zakazivala.

Postupajući po dostavljenom izvještaju Komisije, rukovodilac ugovornog organa izvršio je uvid u cjelokupnu dokumentaciju postupka i utvrdio da u radu Komisije nije bilo nepravilnosti niti propusta koji bi mogli uticati na zakonitost postupka, te da je Komisija postupala u svemu u skladu sa Zakonom o javnim nabavkama, podzakonskim aktima i tenderskom dokumentacijom.

Cijencći sve navedeno, a posebno činjenicu da je ponuda ponuđača Bioconcept d.o.o., rangirana kao najpovoljnija, donesena je odluka kao u dispozitivu.

Sastavni dio ove odluke je Zapisnik o pregledu i ocjeni ponuda.

POUKA O PRAVNOM LIJEKU

Protiv ove odluke može se izjaviti žalba u roku od 5 (pet) dana od dana prijema ove odluke.

Žalba se izjavljuje ugovornom organu u pisanoj formi, neposredno, putem pošte preporučenom pošiljkom ili elektronskim putem, u skladu sa Zakonom o javnim nabavkama.

Žalba se podnosi u dovoljnom broju primjeraka, a najmanje u 3 (tri) primjerka, kako bi mogla biti dostavljena izabranom ponuđaču i ostalim strankama u postupku.

U slučaju izjavljivanja žalbe, ugovorni organ će postupiti u skladu sa odredbama Zakona o javnim nabavkama Bosne i Hercegovine.

Izradio: _____

Kontrolisao: _____

Dostavljeno:

1. Ponuđačima
2. a/a

Po ovlaštenju Općinskog vijeća
Općina Trnovo

